

e-Dinamik

MAJALAH DIGITALAKADEMIA UiTM CAWANGAN JOHOR

eISSN: 2682-7832



EDISI KETUJUH 2025



اَوَّلُ رِسَالَةٍ تَكُونُ لَوَكِي مَارَا
UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.



Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademia.

Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademia untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.



DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatihah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman

Rohayu Ahmad

Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop

Dr. Nur Syamilah Arifin

Dr. Wan Munirah Wan Mohamad

Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid

Dr. Wan Nur Fazlina Abdol Jani

Noorashiekin Khalid

Mazni Mat Zin

Nurrul Amilin binti Zainal Abidin

Nurulnatisya binti Ahmad

Ts. Dr. Siti Aminah Nordin

Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran

Mohamad Hanif Bin Awaludin



INDAHNYA SENYUMAN

Muhammad Rozman Abdullah

Senyuman adalah suatu ekspresi muka yang menzahirkan keindahan ciptaan tuhan pada wajah manusia. Seburuk mana pun rupa wajah seseorang di pandangan manusia, apabila dia mengukir sebuah senyuman, maka terpancarlah suatu keindahan yang mendamaikan serta melunakkan kalbu secara alami. Senyuman yang terbit dari niat yang ikhlas tanpa mengharapkan ganjaran selain dari Allah mempunyai aura dan tenaga positif yang sangat kuat kepada siapa sahaja yang memandangnya tidak mengira usia, jantina, bangsa, agama atau keturunan. Kita juga boleh mendapat munafaat dari senyuman kita sendiri. Disaat kita kesedihan, stress atau kebimbangan, cubalah untuk mengukir senyuman yang tulus untuk diri sendiri diiring dengan keyakinan bahawa “aku masih ada Allah”.

Bilakah masa yang sesuai untuk kita mengukir senyuman? Kita boleh senyum pada bila-bila masa kecuali dalam beberapa keadaan dan masa.

1. Semasa beribadah. Ibadah yang dimaksudkan ialah ibadah khusus yang berupa ritual yang bersifat khusus seperti solat, membaca al-Quran, berdoa dan sebagainya. Allah tidak memerlukan senyuman kita semasa kita melakukan ibadah, sebaliknya Allah amat menyukai apabila hambanya menitikkan airmata semasa solat kerana khusyuk, membaca al-Quran dan berdoa. Di masa kita bermunajat, berdoa, membaca al-Quran atau bertaubat, Allah menyuruh kita menggunakan nada suara yang perlahan, syahdu diiringi titisan air mata, ia membuktikan ketakutan, keinsafan, penyesalan, azam mahupun kesyukuran yang memuncak.
2. Semasa makan. Sudah menjadi adat dan lumrah makhluk Allah di dunia ini akan serius dan fokus ketika makan lebih-lebih lagi ketika kelaparan. Ini adalah kerana salah satu nikmat Allah yang terpalang hebat dalam kehidupan ini adalah makan dan minum.



3. Semasa proses pengajaran dan pembelajaran sedang berjalan terutama ketika guru atau pensyarah sedang memberi syarahan atau menerangkan kaedah-kaedah atau formula yang sangat penting, pelajar-pelajar wajib memberikan tumpuan yang tidak berbelah bagi dan tidak sepatutnya menunjukkan ekspresi senyuman kerana senyuman yang tidak kena pada waktu dan tempatnya akan berubah menjadi sesuatu yang negatif.

Selain dari sedekah, senyuman juga merupakan satu daya tarikan yang amat kuat. Ketika kita sedang mempromosi sesuatu produk atau membuat pembentangan, senyuman merupakan salah satu rukun yang wajib kita selitkan secara sepontan kerana ianya mempamerkan keyakinan, kekuatan serta membantu kekuatan hujah dan fakta yang kita lontarkan. Dengan senyuman yang disertakan dengan tekad “aku boleh”, kita dapat mengurangkan rasa gemuruh dan dapat menciptakan satu situasi yang lebih santai dan tidak membosankan.

Akhirnya, janganlah kita berkira dengan senyuman dan tidak perlu kita berasa terhina atau goyah sekiranya senyuman ikhlas kita tidak berbalas kerana balasan dan ganjaran dari Allah itu pasti. Senyumlah untuk insan-insan yang tersayang khususnya bg yang sudah ada pasangan hidup, senyuman anda adalah pengikat kasih sayang yang mampu melestarikan hubungan cinta hingga ke Jannah insyaallah. Lontarkan senyuman semangat kepada rakan-rakan di tempat kerja moga-moga hari yang agak kelam bg rakan kita bertukar menjadi terang bersinar hanya kerana keramat sebuah senyuman yang bersahaja dari seseorang yg dia kagumi dan hormati.

